



Aneks 6

Implementing partner: JU Centar za socijalni rad

Općina: Tešanj

Datum: 8.11.2012. godine

„MULTIDISCIPLINARNA PODRŠKA DJECI SA RIZIČNIM PONAŠANJEM“ OPĆINE TEŠANJ

Finalni izvještaj

(1.07.-31.10.2012.godine)

**„Multidisciplinarna podrška djeci sa rizičnim ponašanjem“općine Tešanj
Finalni izvještaj
(1.07.-31.10.2012.godine)**

Sadržaj

1. SAŽETAK	3
2. SVRHA.....	3
3. RESURSI.....	3
4. REZULTATI.....	3
5. NAUČENE LEKCIJE	8
6. ANALITIČKI PREGLED.....	8
8. FINANCIJSKA IMPLEMENTACIJA	9
9. ANEKSI.....	10

1. SAŽETAK

Posebno usmjereni projekat „Multidisciplinarna podrška djeci sa rizičnim ponašanjem“ koji je realiziran u okviru UNICEF-ovog krovnog projekta „Jačanje sistema socijalne zaštite i inkluzije djece u BiH“, u periodu od 1.07. – 30.09.2012. godine imao je za cilj da pruži podršku socijalnoj zaštiti i inkluziji djece sa rizičnim ponašanjem putem unapređenja usluga preventivnog djelovanja. Nositelj projekta je JU Centar za socijalni rad Tešanj, a implementing partneri su bili: Općina Tešanj, devet osnovnih škola na području općine Tešanj, Dom zdravlja Tešanj i PU Tešanj. U implementaciji projekta primjenjen je multisektoralni pristup (uspostavljanjem mobilnog tima koji ima predstavnike različitih institucija koje su uključene u sistem socijalne zaštite i inkluzije djece). Ciljana grupa projekta je bilo 52 djece sa rizičnim ponašanjem, 52 roditelja djece sa rizičnim ponašanjem, 18 predstavnika Vijeća učenika. Od 52 učenika sa rizičnim ponašanjem 44 učenika su muškog pola, a 8 ženskog pola.

U okviru projekta implementirane su sljedeće aktivnosti: pripremne aktivnosti su realizovane uz pomoć organizacionih sastanaka projektnog tima (2 puta mjesečno) uz konstantni telefonski i e-mail kontakt, tehnički je opremljen i uspostavljen rad savjetovališta pri Centru za socijalni rad, uspostavljena baza podataka djece sa rizičnim ponašanjem, te kreiran mehanizam za praćenje međuvršnjačkog nasilja. U okviru projekta održane su četiri interaktivne edukativne radionice za djecu, održana je 1 edukacija roditelja djece sa rizičnim ponašanjem, te su projektne aktivnosti promovisane putem lokalnih medija.

Značaj ovog projekta se ogleda u unapređenju usluga preventivnog djelovanja u sferi socijalne zaštite i inkluzije djece zasnovane na međusektoralnom i multidisciplinarnom pristupu kroz uspostavu Savjetovališta za djecu, mlade i porodicu. Uticaj koji je ovaj projekat imao ogleda se i u povećanju osviještenosti lokalne zajednice o značaju preventivnog djelovanja u sferi rada sa djecom sa rizičnim ponašanjem i njihovim roditeljima kao i predstavnicima Vijeća učenika, kao i u jačanju intersektoralne saradnje u općini Tešanj.

2. SVRHA

Svrha finalnog izvještaja je da se izvijesti donator o implementaciji programskih aktivnosti projekta „Multidisciplinarna podrška djeci sa rizičnim ponašanjem“ u periodu od 1.07.-30.10.2012. godine.

3. RESURSI

Ukupan budžet za implementaciju projektnih aktivnosti iznosio je 15.300,00 KM. Od navedenog, UNICEF je obezbijedio iznos od 15.000,00 KM (za nabavku opreme 8.658,33 KM, dok je na račun Centra za socijalni rad Tešanj, IBHI uplatio iznos od 6.341,77 za realizaciju projektnih aktivnosti. Za medijsku promociju, Općina Tešanj je izdvojila 300,00 KM.

4. REZULTATI

Rezultati aktivnosti implementiranih u periodu 01.07.-31.10.2012.godine u skladu sa projektnim planom rada:

No.	Aktivnosti (prema planu rada)	Juli	August	Septembar	Oktobar	Komentari
1	Pripremne aktivnosti	implementirano	implementirano			Neophodne za realizaciju projekta
1.1	Organizacioni sastanci tima –(2 puta mjesečno)	impemenitrano	implementirano	implementirano	implementirano	
1.2.	Uspostava mobilnog tima	impemenitrano				
1.3	Nabavka opreme i potrebnog materijala		odloženo	impemenitrano		Nabavka opreme je kasnila
1.4	Uspostava baze podataka i njeno ažuriranje		implemenitrano	impemenitrano	impemenitrano	
2.	Djelovanje mobilnog tima		implemenitrano	impemenitrano	implemenitrano	
2.1	Interaktivne radionice za djecu			implemenitrano	implemenitrano	
2.2.	Edukacije za roditelje				implemenitrano	
2.3.	Razvijanje mehanizma praćenja pojave međjuvršnjačkog nasilja (upitnik)		implemenitrano	implemenitrano		
3.	Uspostava djelovanja savjetovaništa	implemenitrano				Stručnjaci su bili spremni za rad, iako je oprema kasnila
3.1.	Rad stručnjaka po uspostavljenom planu rada		implementirano	implemenitrano	implemenitrano	
4.	Promocija projektnih rezultata			implementirano	implementirano	

1. Pripremne aktivnosti

Pripremne aktivnosti su realizirane putem organizacionih sastanaka na kojima su članovi mobilnog tima upoznati sa detaljima projekta te obavezama koje proizlaze iz projekta. Ove aktivnosti su se odvijale u prvom mjesecu implementacije projekta kako bi se obezbijedili uslovi za nesmetanu realizaciju. Pripremne aktivnosti uključuju: obezbjeđivanje i priprema prostora za

rad Savjetovaništa pri nego je dostavljena tehnička oprema, dogovor oko realizacije edukacija, početka rada Savjetovaništa, itd.

1.1 Organizacioni sastanci

Prema planu održano je osam sastanaka na kojima je razmatran projekat, kao i praćenje realizacije aktivnosti. Sastancima u prisustvovali članovi/ice menadžmenta projekta, kao i članovi/ice mobilnog tima u skladu sa temama dnevnog reda. Na sastancima su razmatrane pojedinosti oko same realizacije projekta (mjesto održavanja, osobe zadužene za realizaciju, teme koje će biti obuhvaćene, saradnja sa školama i sl.).

Za više informacija pogledati **Aneks 1** - Izveštaj o realizaciji organizacionih sastanaka mobilnog tima

1.2. Uspostava Mobilnog tima

Na organizacionom sastanku 23.07.2012.godine donešena je Odluka o sastavu mobilnog tima za realizaciju interaktivnih radionica. Odlukom o imenovanju članova mobilnog tima u isti su uključeni:

1. Sabrija Kavazović dipl.soc.radnik-koordinator projekta, član mobilnog tima;
2. Almina Brkić prof.razredne nastave-kordinator Vijeća učenika pri mobilnom timu kao i edukator;
3. Amir Prnjavorac dipl.kriminalista-referent za maloljetničku delikvenciju, član mobilnog tima te angažovan i kao edukator na radionicama;
4. Selma Turalić dipl.pedagog/psiholog-član mobilnog tima, te angažovana kao edukator na radionicama;
5. Hamdija Škrebo krim. Inspektor-član mobilnog tima, te angažovam kao edukator na radionicama;
6. Safeta dr.Kahvić pedijatar-član mobilnog tima, te angažovana kao edukator na radionicama;
7. Nedžida Eminagić soc.radnik-član mobilnog tima

1.3. Nabavka oprema i potrebnog materijala

UNICEF je vršio nabavku opreme i potrebnog materijala. Navedena oprema i materijal su se sastojali od: Paketa didaktičkog materijala (5 kom.), Laptopa (2 kom.), Projektor (1 kom.), Nosač za projektor (1 kom.), Platno za projekciju (1 kom.), VGA kabla (1 kom.), Digitalnog diktafona (1 kom.), Digitalnog fotoaparata (1 kom.), Digitalne video kamere (1 kom.), Kopir/Printera (1 kom.), Papira za copy/print (30 paketa). Međutim, isporuka opreme je kasnila, ali to nije bitno uticalo na dinamiku implementacije projekta.

1.4. Uspostava baza podataka i njeno ažuriranje

U JU Centru za socijalni rad uspostavljena je baza podataka djece sa rizičnim ponašanjem. Podaci su uneseni na osnovu prijave osnovnih škola sa područja općine Tešanj. U bazu podataka se unose:

- podaci o djetetu (ime i prezime, pol, uzrast, godište, adresa, kategorija: zanemaren, v.zapušten, skitnja, alkohol, narkomanija, nasilnik, žrtva nasilja, ometen porodičnim prilikama);
- podaci o porodici (kompletna ili nekompletna porodica, obrazovni nivo roditelja, radni status roditelja)
- ostali podaci (način prijave, razlog prijave, oblici podrške i rada sa djetetom, status predmeta)

Baza podataka je zaštićena zbog povjerljivih podataka. Korist baze podataka za djecu sa rizičnim ponašanjem je pravovremeno detektovanje problematičnog ponašanja te preventivno djelovanje u cilju pomoći porodici i djeci, kroz kontinuiran nadzor i praćenje djece koja su evidentirana u bazi podataka.

Za više informacija pogledati **Aneks 2** - forma baze podataka.

2. Djelovanje Mobilnog tima

Djelovanje mobilnog tima je usmjereno na realizaciju interaktivnih radionica za djecu i roditelje. Realizacija ovih radionica je se odvijala zajedno sa rukovodstvom škola sa područja općine Tešanj uz čiju susretljivost smo uspjeli da obezbijedimo prostor, kao i da obezbijedimo prisustvo djece i roditelja na ovim radionicama. Ovim projektom je realizovano četiri interaktivne radionice za djecu, te jedna radionica za roditelje.

2.1. Interaktivne radionice za djecu

Radionice za djecu su realizovane prema planiranim terminima: Prva radionica je održana 20.09.2012.godine na temu „Nenasilno rješavanje sukoba“ i realizovana je u prostorijama OŠ „Huso Hodžić“ u Tešnju. Na ovoj radionici je bilo prisutno 36 učenika. Cilj radionice je bio upoznati djecu sa vrstama sukoba te načinima njihovog rješavanja na miran i društveno prihvatljiv način. Predavači na ovoj radionici su bili: Turalić Selma-pedagog/psiholog, Škrebo Hamdija-policijski službenik, Prnjavorac Amir-referent za maloljetničku delikvenciju. Popunjavanjem evaluacijskih listova djeca su pokazala šta im se sviđjelo, šta nije, te na koji način poboljšati održavanje radionica. Što se tiče pitanja šta im se sviđjelo odgovori su bili: da su svašta naučili, da su bili slobodni da iznesu svoje mišljenje. A na pitanje šta im se nije sviđjelo djeca su odgovarala: da im se nije sviđjelo ponašanje pojedinih učenika, te da je malo duže trajalo.

Druga radionica je održana 27.09.2012.godine u prostorijama OŠ „9 septembar“ u Medakovu na temu „Svi različiti-Svi jednaki“. Na radionici je bilo prisutno 27 učenika, a realizatori su bili dr. Safeta Kahvić-pedijatar i Selma Turalić-pedagog/psiholog. Cilj radionice je bio ukazati djeci na različitosti među ljudima, te ih naučiti tolerantnosti i prihvatanju drugog i drugačijeg. Evaluacija ove radionice je pokazala slične rezultate kao i kod prve radionice, s tim da je bilo manje negativnih komentara i ocjena. Negativni komentari su se ponovo ogledali u ponašanju pojedinih učenika, te ometanju održavanja radionice od strane istih.

Treća radionica je održana 4.10.2012.godine u prostorijama OŠ „9 septembar“ u Medakovu na temu „Nauči reći NE ovisnostima“. Na radionici je bilo prisutno 25 učenika, a realizatori ove radionice su bili: dr.Safeta Kahvić-pedijatar, Amir Prnjavorac-referent za maloljetničku delikvenciju, Hamdija Škrebo-policijski službenik, Selma Turalić-pedagog/psiholog. Cilj radionice je bio upoznavanje učenika sa bolestima ovisnosti, vrstama ovisnosti, te sredstvima koja izazivaju ovisnost. Evaluacija ove radionice je pokazala dosta veću zainteresiranost djece za navedenu temu, a od negativnih ocjena možemo navesti komentare koji se odnose na dužinu trajanja radionice.

Četvrta radionica je održana 11.10.2012.godine u prostorijama OŠ „1 mart“ u Jelahu na temu „Štetnost alkohola i nikotina“ kao djela djelimična obrada teme sa treće radionice „Nauči reći NE ovisnostima“. Na ovoj radionici je bilo prisutno 15 učenika, a predavači na ovoj radionici su bili: dr.Safeta Kahvić-pedijatar, Amir Prnjavorac-referent za maloljetničku delikvenciju, Hamdija Škrebo-policijski službenik. Cilj radionice je bio ukazivanje na štetnost alkohola i nikotina te posljedice po zdravlje i život pojedinca. Evaluacija ove radionice je

pokazala da su djeca dosta upoznata sa navedenom temom. Pozitivni komentari u evaluacijskim listovima su se ogledali kroz slobodu izražavanja mišljenja i uvažavanja istog, a negativni su se odnosili na loše ponašanje pojedinih učenika.

Za više informacija pogledati **Aneks 3**.

2.2. Edukacija za roditelje

Edukacija za roditelje je održana 16.10.2012.godine u prostorijama OŠ „Huso Hodžić“ u Tešnju. Na edukaciji je bilo prisutno 29 roditelja. Tema ove edukacije je bila: “Odgovorno roditeljstvo-Uloga roditelja u sprečavanju međuvršnjačkog nasilja i delikventnog ponašanja djece“. Predavači na ovoj edukaciji su bili: dr. Safeta Kahvić, Selma Turalić i Hamdija Škrebo. Cilj ove edukacije je bio da se roditeljima skrene pažnja na njihove obaveze u pogledu vaspitanja i odgoja djece, te da ih se upozna sa pojavnim oblicima delikventnog ponašanja kod djece.

Za više informacija pogledati **Aneks 4**.

2.3. Razvijanje mehanizma praćenja pojave međuvršnjačkog nasilja (upitnik)

Mehanizam u vidu upitnika uspostavljen je u svrhu kreiranja adekvatne evidencije o pojavi međuvršnjačkog nasilja i daljeg djelovanja na prevenciji istog. Poseban segment učešća Vijeća učenika se vidi kroz implementaciju mehanizma za monitoring pojave međuvršnjačkog nasilja u saradnji sa pedagozima škola. Mehanizam i upitnik je osmišljen od strane mobilnog tima i psihologa-pedagoga. Referent za maloljetničku delikvenciju, pedagog-psiholog i koordinator Vijeća učenika su informisali kolege pedagoge o upitniku. Upitnik je distribuiran u devet osnovnih škola (uzorak po 10 upitnika). Iz prezentovanih rezultata upitnika se može zaključiti da problem međuvršnjačkog nasilja u osnovnim školama općine Tešanj postoji i da možda nije prisutan u većoj mjeri kao u nekim drugim sredinama, ali da mu se svi moramo više posvetiti svakodnevnim savjetodavnim radom sa učenicima i roditeljima, prezentacijom tema na odjeljenskim zajednicama, uključivanjem i drugih stručnjaka, te realizacijom radionica za djecu i roditelje, pedagozi, razrednici i nastavnici pokušavaju da riješe ovaj problem. Svi podaci koji su dobijeni iz upitnika su pohranjeni u bazi CSR Tešanj.

Za više informacija pogledati **Aneks 5 i Aneks 6**.

3. Uspostava djelovanja Savjetovališta

Cilj ove aktivnosti je bio da se uspostavi općinsko savjetovalište za djecu, mlade i roditelje u kojem će se razviti mreža informisanih, edukativnih, savjetodavnih usluga i programa namijenjenih porodicama, roditeljima i djeci. Poseban cilj ovog savjetovališta je jačati ulogu porodice u lokalnoj zajednici. Implementacijom projekta je omogućeno da se osnuje Savjetovalište koje nakon isteka projekta nastavlja da pruža podršku djeci sa rizičnim ponašanjem i njihovim roditeljima. Na organizacionim sastancima donešena je odluka da Savjetovalište radi jedanput sedmično-ponedjeljak u vremenskom periodu od 15-18 časova. Za ovaj period rada u Savjetovalište se obratilo 12 roditelja sa djecom. Utisci roditelja su bili pohvalni, prije svega jer je radno vrijeme bilo usklađeno sa njihovim radnim obavezama, a i rezultati nakon obavljenog savjetodavnog rada sa djecom i roditeljima su ohrabrujući.

3.1. Rad stručnjaka po uspostavljenom planu rada

U Savjetovalištu je radio referent za maloljetničku delikvenciju i socijalni radnik, a u dva slučaja je uključivan i psiholog-pedagog. Podršku radu stručnom timu pružali su i članovi/ice Mobilnog

tima. Genralna ocjena tima na rad Savjetovališta je jako pozitivna, prije svega uočen je nemjerljiv značaj multidisciplinarnog pristupa rješavanju pojedinih slučajeva. Nisu uočeni bilo kakvi problemi u radu iz razloga što su sve osobe uključene u rad Savjetovališta pristupile ovom poslu na krajnje profesionalan način.

4. Promocija projektnih rezultata

Projektne aktivnosti su promovirane na lokalnim internetskim portalima.(CSRT, OPĆINE TEŠANJ, TEŠANJ WEB, TEŠANJ NET). Promocija ovog projekta se odvijala i kroz sjednice aktiva direktora svih osnovnih škola sa područja općine Tešanj, te preko oglasnih ploča u svim školama.

Specifičnosti u realizaciji projekta

Kao specifičnost u realizaciji ovog projekta ogleda se i činjenica (koju smo mi i pretpostavili i naveli je kao i rizik), da je broj djece ocjenjen od strane škola kao rizična skupina veći od broja djece koja su bila uključena u samu realizaciju projekta. Razlog ove pojave je taj što jedan broj roditelja nije dao saglasnost niti je akceptirao činjenicu da njegovo dijete ima poteškoća u ponašanju.

5. NAUČENE LEKCIJE

- Sve postavljene aktivnosti iz projekta su realizirane prema planu, međutim plan rada za implementaciju projekta postavljen je u unaprijed određenom vremenskom okviru, koji je bio prekratak za kvalitetnu realizaciju mnogobrojnih aktivnosti iz projekta;
- Implementacija projekta je obuhvatila dva mjeseca (juli i august) kada nije bilo moguće realizovati aktivnosti sa djecom, tako da su sve aktivnosti realizovane u dva preostala mjeseca;
- Upravljanje projektnim aktivnostima teklo je bez ikakvih poteškoća obzirom na ranije dobro uspostavljenu multisektoralnu saradnju te entuzijazam realizatora projekta,
- Tim projekta je uspio da izrealizuje sve postavljene ciljeve u okvirnom planu, međjutim kao što je i navedeno, za ovaj projekat postavljen je kratak vremenski period, što je stvaralo veliki pritisak;
- Mobilni tim je prilikom planiranja realizacije interaktivnih radionica sa djecom previdio da se radi o velikoj grupi djece, te da su to djeca sa rizičnim ponašanjem čiju pažnju je teško usmjeriti. Uбудuće je potrebno planirati manje, odvojene grupe djece;
- Nakon održane prve radionice, te uvidjevši sve poteškoće u radu sa velikom grupom djece, mobilni tim je odlučio da se radionice održavaju u manjim grupama, što je pokazalo pozitivne rezultate u daljoj implementaciji projekta.
- Rad u manjim grupama je rezultirao kvalitetnijem usvajanju prenešenog znanja, te su i sama djeca bila aktivnija i pokazala veći interes za teme koje su obradivane na radionicama;
- Međusektoralna saradnja projektnog i mobilnog tima je pokazala značaj ovakvog pristupa u radu sa djecom.

6. ANALITIČKI PREGLED

Analizom podataka kojom raspolažu JU Centar za socijalni rad Tešanj i osnovne škole na području općine Tešanj, utvrđeno je da se dobna granica djece sa neprilagođenim ponašanjem na spustila čak na 10. godina, da je sve više djece koja ne žele da pohađaju osnovno obrazovanje, te

da škole sve više trebaju pomoć službe Centra za socijalni rad, odnosno šire društvene zajednice. Problemi sa kojim se suočavaju škole u radu sa djecom se ogledaju u neopravdanom izostajanju sa nastave, vršenju međjuvršnjačkog nasilja, neakceptiranju autoriteta, nasilnom i agresivnom ponašanju, bespomoćnosti roditelja da samostalno rješavaju probleme. Evidentni su i podaci da su djeca mlađe životne dobi (od 10-15 godina) već bila u sukobu sa zakonom (teške krađe, bježanje od kuće, prosijačenje itd.). Prema evidencijama škola djece sa rizičnim ponašanjem je registrirano 52 od čega 44 dječaka i 8 djevojčica. Analizirajući podatke utvrđeno je da ova djeca dolaze uglavnom iz ruralnih sredina, te porodica čija je ekonomska situacija teška, ili su evidentni podaci poremećenih porodičnih odnosa. Projektnim aktivnostima je pored djece sa rizičnim ponašanjem bilo obuhvaćeno i 18 djece predstavnika Vijeća učenika, tako da je ukupan broj djece obuhvaćene ovim projektom iznosio 70-oro djece.

Projektne aktivnosti su imale višestruk značaj kako za djecu i njihove roditelje tako i za institucije koje se bave rješavanjem navedenih problema. Na interaktivnim radionicama omogućeno je svakom djetetu da iznese svoj stav u pogledu obrađene teme, da postavlja pitanja. Djeci su približene tehnika koje ukazuju na to da je neophodno da se svakom postavljenom pitanju pristupi s uvažavanjem, što je doprinijelo da se kod djece razvije osjećaj važnosti, odnosno socijalne uključenosti. Interaktivna radionica koja je održana za roditelje imala je za svrhu promoviranje rada Savjetovališta i razvijanje svijesti roditelja o značaju rane detekcije i prepoznavanja problema društveno neprihvatljivog ponašanja kod djece, te pravovremenog suzbijanja devijantnog ponašanja, kao i pravilnog pristupa rješavanja problema. Realizacijom projektnih aktivnosti također je poboljšana međusektoralna saradnja institucija koje se bave rješavanjem rane prevencije maloljetničke delikvencije. Projektom je uspostavljeno Savjetovalište za djecu sa rizičnim ponašanjem i njihove roditelje, što predstavlja značajan resurs za dalje djelovanje i pružanje podrške. Uspostavljena elektronska baza podataka je također značajan resurs za vođenje evidencije o djeci sa rizičnim ponašanjem, kao i za praćenje njihovog napretka u ponašanju na osnovu pokrenutih mjera. Općina Tešanj je implementacijom projekta napravila iskorak u pravcu pružanja podrške djeci sa rizičnim ponašanjem, te na ovaj način omogućila preventivno djelovanje, kako ova djeca ne bi postala maloljetni delikventi.

7. VIDLJIVOST PROJEKTA

Projektne aktivnosti su postavljene na osnovi da u samim pripremnim aktivnostima projekat bude vidljiv u široj društvenoj zajednici jer je implementiran u saradnji sa devet osnovnih škola na području općine Tešanj, koje su imale obavezu da identifikuju djecu sa rizičnim ponašanjem, da upoznaju roditelje sa svrhom projekta, te omoguće prostor za održavanje interaktivnih radionica. Vidljivost projekta se ogleda i u činjenici da je mobilni tim sastavljen od stručnih lica iz različitih institucija koje u svojoj djelatnosti imaju obavezu prevencije socijalno-patoloških pojava. Projekat je takodje promovisan putem općinskih internet portala (Tešanj NET.ba, općina Tešanj, stranica JU Centra za sociojalni rad Tešanj), te putem oglasnih ploča u osnovnim školama, kao i putem okruglih stolova aktiva Direktora osnovnih škola sa područja općine Tešanj.

8. FINACIJSKA IMPLEMENTACIJA

Za implementaciju projekta obezbjeđeno je 15.300,00 KM, od čega je UNICEF obezbijedio nabavku opreme i materijala u iznosu od 8.658,33 KM. JU Centar za socijalni rad je za period trajanja projekta utrošio sredstva u iznosu od 6.341,77 KM koja su putem finansijske dokumentacije pravdana prema IBHI-u. Općina Tešanj je utrošila iznos od 300,00 KM za promociju projektnih rezultata.

9. ANEKSI

Aneks 1 Izvještaj o realizaciji organizacionih sastanaka mobilnog tima

Aneks 2 Forma evidencije djece sa rizičnim ponašanjem

Aneks 3 Izvještaji o realizaciji radionica za djecu

Aneks 4 Izvještaj o realizaciji radionice za roditelje

Aneks 5 Upitnik za međuvršnjačko nasilje

Aneks 6 Analiza upitnika za međuvršnjačko nasilje